

摘藻堂四庫全書薈要

經部

欽定四庫全書薈要

經部

詩緝卷二十三

四

詳校官原任侍講臣王燕緒



欽定四庫全書薈要卷一千二十三

經部

詩緝卷二十三

宋嚴粲撰

甫田之什

小雅

甫田刺幽王也君子傷今而思古焉

疏曰思成王

甫田述徹法興毗秋報春祈及省耕倉箱之事

倬彼甫田

倬音卓。桑柔箋曰倬明大貌。傳曰明貌。甫田謂天下田也。今曰倬訓明大此詩無

大意故止為明。曹氏曰言其事顯然也。歲取十千

疏曰甫大也甫者廣大言之故為天下田也

今曰謂什一也百取十焉萬取千焉

我取其陳

朱氏曰陳舊粟也

食我農人

食音嗣

今曰我農人自我也

自古有年今適南畝

疏曰今成王之時其萬民適南畝之內○南畝

解見或耘或耔

耘音云耔音子○傳曰耘除草也耔雖七月本也○疏曰前漢食貨志云后稷始

田以二耜為耦廣尺深尺曰耒長終晦一晦三耒一夫

三百畝而播種於畝中苗葉以上稍耨壟草因隤其土

以附苗根比盛暑壟盡而根深能風與旱故薹薹而盛

也附根即此雖本也畝亦作畎晦古畝字也耨鉏也隤

音頽謂下之

黍稷薹薹

音擬○朱氏曰薹薹茂盛貌

攸介攸止

王氏曰介

也能讀曰耐

助也止

烝我髦士

傳曰烝進也髦俊也

首章述什一之賦及興甿之事也幽王政繁賦重故

詩人思古者什一之法言先王之時倬然明著

於彼天下之田每歲百取其十萬取其千而已十者
百之一千者萬之一其事至顯而幽王不察何也
一夫受田百畝故少計之則百畝取其十萬者數
之盈故多計之則萬畝取其千皆什一也上無過
取故下有餘粟農人皆取其陳舊之粟以自養見
農有餘粟自古以來歲事常豐也言食我農人者
農人自我也農足於食故樂於耕今農民皆適南
畝或耘以去草或耔以雖本其黍稷疑然茂盛

乃介以相助之止以休息之又烝進其髦俊之士

也今指成王之時則自古者前乎此矣周之徹法

自公劉始世世守之也周自上世以來徹法行而

民富頻年屢豐至成王太平極盛之時農民樂

業又進其秀民之能為士者民生斯時何其幸耶

此羨慕之辭今不然而思故也

詩記曰古者士出於農而工商不與

焉管仲云農之子恒為農野處而不暱其秀民之能為士者必足賴也秀民即詩所謂髦士也 ○

毛以為十千言多其說太泛鄭以十千畝為一成

萬畝之稅又啟紛紛之辯什一天下之中正十千者謂什一之法猶孟子千取百焉萬取千焉之意耳○舊說又以我取其陳食我農人為上之人取以食之此以文害辭也七月采茶薪樗食我農夫豈亦上之人復為農夫采茶薪樗乎二文句法一同皆農人自我也古者藏富於民家給人足豈待上之人一二遺之食耶雖補助之法不廢而不給不足者亦寡矣或以今適南畝為成王今從賤疏以

為農民第三章曾孫來止方言成王省耕也其攸介攸止烝我髦士若鄉大夫興其賢者能者遂大夫帥其吏而興氓皆有司之事也

以我齊明

齊音資。傳曰器實曰齊在器曰盛。○疏曰器實曰齊指穀體也在器曰盛據已盛於器

也。○朱氏曰齊與粢同曲禮云稷曰明粢此言齊明便文以協韻耳

與我犧羊

犧音僖。○箋曰色純

曰以社以方

傳曰社后土也方迎四方氣於郊也。○疏曰鄭駁異義以為社者五土之神能生萬

物者以古之有大功者配之祭法云共工氏之霸九州也其子曰后土能平九州故祀以為社昭二十九年左傳云共工氏有子曰句龍為后土后土土官之名也死以為社社而祭之故曰句龍為后土後轉為社故世人

謂社為后土后土者地之大名也僖十五年左傳云履后土而戴皇天指謂地為后土也句龍職主土地故謂其官為后土中庸郊社相對郊是天則社是地言迎四方之神於郊者下曲禮云天子祭四方歲徧注云祭四方謂祭五官之神於四郊句芒在東祝融后土在南蓐收在西玄冥在北是也實五官而云四郊者火土俱在南其火土俱祀黎故鄭志答趙商云后土轉為社無復代者故先師之說黎兼之亦因火土位在南又大宗伯注云五祀者五官之神在四郊四時迎五行之氣於郊而祭五德之帝亦食此神焉少昊氏之子曰重為句芒食於木該為蓐收食於金脩及熙為玄冥食於水顓頊氏之子曰黎為祝融后土食於火土是黎兼二祀也曲禮言歲徧此祀在秋而并言四方蓋常祀歲徧此秋成報功則總祭故并言四方也句音鉤

我田既

臧

箋曰臧善也

農夫之慶琴瑟擊鼓

箋曰周禮云凡國祈年于田祖歆幽雅擊土鼓

以樂田畷。○疏曰：春官籥章文也。彼注云：豳雅七月，以也。杜子春云：土鼓以瓦為匡，以革為兩面，可擊也。

御田祖

御音迓。○箋曰：御，迎也。○傳曰：田祖，先嗇也。○疏曰：郊特牲注云：先嗇若神。農春官籥章注云：

田祖，始耕田者，謂神農始教造田，謂之田祖。先為稼，以穡謂之先嗇。神其農業，謂之神農。名殊而實同也。

祈甘雨

疏曰：以長物則為甘，害物則為苦。○曹氏曰：甘猶美也。以介我稷黍。

箋曰：介，助。

也。

以穀我士女

箋曰：穀，養也。

二章述秋報春祈之事也。以我明潔之齊穀與我絕

色之羊，秋祭土神之社，與迎四方氣於郊，由我田盡

善，農夫喜慶之，故謂民和年豐而後致力於神也。至

明年春又以琴瑟及擊土鼓以迎田祖神農而祭之
以求長物之甘雨以介助我稷黍以穀養我士與女
欲續豐年於無窮也

曾孫來止

箋曰曾孫成王也
○解見信南山

以其婦子饁彼南畝

饁音葉

田畯至喜

畯音俊二句
解見七月

攘其左右

攘音攘○曹氏曰攘却也

嘗其旨

否禾易長畝

易音異○傳曰易治也長畝竟畝也○今
曰論語云喪與其易也寧戚孟子曰易其

田疇皆
訓治也

終善且有

朱氏曰有
猶多也

曾孫不怒農夫克敏

傳曰
敏疾

也

三章述成王親省耕之事也曾孫成王來田畝之時
農夫務事使其婦子饁饋於南畝之中於是田畯之
官至而喜之攘却其左右之從者而親為嘗其饁之
旨否言其上下相親之甚也民盡力於田故其禾易
治竟畝如一預知其終善且有也成王無所譴怒而
農夫自敏於田事不待督趣之也

詩記曰此章言省耕之時王者在上

耕者在下田畯往來其間勸勞而撫摩之熙然其若一家也攘其左右嘗其旨否言其相親無間也不曰喜而曰不怒者若不敏於農則怒矣蓋其喜怒欣戚專在於農也洛人稱張全義曰張公他無所好見善

穀大薊則喜
爾正此意也

曾孫之稼

錢氏曰稼禾也謂未刈時也。○今日伐檀傳云種之曰稼歛之曰穡疏云若散則相通此

以稼對庾先言稼後言庾是稼為在田未刈之禾庾為已刈未入倉而露積之禾也賤以稼為有藁之禾且言古之稅法近者納總總謂併禾稼納之今不從。○詩如記曰王土所生莫非曾孫之稼鄭氏以稅言陋矣

茨如梁

箋曰茨屋蓋也。○朱氏曰茨言密比也。○傳曰梁車梁也。○疏曰墨子稱茅茨不剪謂以茅覆

屋故箋以茨為屋蓋孟子與梁謂水上橫梁得容車度則高廣者也。○錢氏曰橋梁也。○今考經有二茨牆有

茨楚楚者茨皆為蒺藜此如茨如梁及瞻曾孫之庾音愈

彼洛矣福祿如茨為蓋屋茅茨非蒺藜也

曾孫之庾

愈

○曰庾露積之禾也解見楚茨如坻如京坻音遲○坻解見秦蒹葭○傳曰京高丘也○京解見鄘

定之乃求千斯倉乃求萬斯箱

朱氏曰箱車箱也○解見大東

黍稷稻

梁

黍稷解見王黍離稻梁解見唐鵠羽

農夫之慶

詩記曰執訊獲醜戰士之慶也黍稷稻梁農夫

之慶也蓋農夫視黍稷稻梁之豐以報以介福萬壽無為天下之美盡在此矣不知其他也

疆

四章述豐年民樂祝君之事也時和年豐禾穀充積
農民喜悅歸恩於君以為皆吾君之稼吾君之庾謂
秋毫皆君賜也未刈之禾曰稼其稼在田由高處視
之則稼在下而見其密故如屋茅由平處視之則稼

在上而見其高故如橋梁若使高處見其踈平處見其低則禾薄收矣露積之禾曰庾其庾在野隨意堆積有平而高者如水中高地之坻有卓絕而高者如高丘之京始言稼則未刈也繼言庾則已刈而未入倉也於是求千倉以貯之求萬車箱以載之此黍稷稻粱無所不有農夫之慶也先治倉而後箱載以輸之故先言倉後言箱也農夫喜慶不忘君恩祝君以福祿壽考也

甫田四章章十句

大田刺幽王也言於寡不能自存焉

於音鰥。疏曰序不言思古以楚茨

至此文指相類承上篇而畧之也。○補傳曰大田疑為省歛而作其間雖及田祖興雨之祝蓋備陳田間之事

所謂穉穡秉穗皆省歛以助不給也

大田述耕種以致堅好穉穡以惠寡婦及省歛祭方之事

大田多稼

今日大田猶甫田謂天下田也。○曹氏曰或宜高燥或宜下濕或利先種或利後種既

種既戒

種上聲。○疏曰種擇其種也。○箋曰月令季冬命農計耦耕事脩耒耜具田器此之謂戒。○朱

氏曰戒飭其具也

既備乃事以我覃耜

覃音掩耜音似。傳曰覃利也。耜解見七月

俶載南畝

俶音觸載音再。釋文曰俶始也。載事也。南畝解見七月

播厥百穀既

庭且碩

傳曰庭直也。箋曰碩大也。曹氏曰苗生葉以上皆條直而茂大

曾孫是若

箋曰

若順也

一章述耕種之事也天下之田廣大其種不一高下

先後各有所宜故冬既擇其種又戒飭其具二者既

已周備乃可以從事於耕至春則以我覃利之耜始

有事於南畝而耕之既耕乃可以播種百穀種既善

器又利耕者致其力種又及其時故其生者既庭直而碩大順曾孫成王之意成王所重在穡事而農民能順其意也○或說既備乃事者備其事也亦通但詩中既順乃宣既登乃依皆二事也

既方既皁

曹之上濁○箋曰方房也謂孚甲始生而未合時也○疏曰謂米外之房米生於中若人

之房舍也孚者米外之粟皮甲者以在米外若鎧甲○今曰生民傳一稔二米孚作桴○傳曰實未堅曰皁

既堅既好

今曰禾雖已堅實或大風所偃或淫雨所腐或早霜所殺之類則損壞而不好

不稂

不莠

稂郎梁二音莠音酉○傳曰稂童梁也莠似苗也○釋文曰童梁草也說文作節禾粟之莠生而不

成者謂之童蔀也。○疏曰：仲虺之誥云：「若苗之有莠，若粟之有秕，秕似粟，莠似苗也。」秕音七去其螟

螣去上聲，螽音冥，特。○傳曰：「食心曰螟，食葉曰螣。」○疏曰：「食禾心為螟，言其姦冥，冥難知也；食禾葉者言

假貸無厭，故曰螽也。螣亦作螻。○陸璣曰：「及其蝱賊。」蝱音

謀。○傳曰：「食根曰蝱，食節曰賊。」○疏曰：「食禾根者言其稅取萬民，賊貨故云蝱也；或說云：『螻蛄也，食禾節言貪」

狠，故曰賊也。』舊說螟螣蝱蝻，賊一種蟲也。如言「寇賊姦宄」，內外言之耳。故捷為文學云：「此四種蟲皆蝗也。」螻蛄音

婁姑捷音虔。○陸璣曰：「賊似桃。」無害我田穉。音稚。○說李中蠹蟲赤頭長身而細耳。

禾也。○今曰：「閔宮植穉，菽麥傳云：『後種曰穉。』」田祖有神，秉

畀炎火。釋文曰：『秉執持也。』畀與也。

二章述穀之生成無害若有神相之也既方而生孚
甲矣方則未成實既阜而成實矣阜則成實而未堅
既堅而成熟矣既好而無損壞矣無童梁之稂無似
苗之莠去其食心之螟食葉之螽食根之蝨食節之
賊無有害我田中幼穉之禾者此田祖之神持此盡
燒絕之故無遺種也歸功於神以為若有以相之

有渰萋萋

渰音掩萋音萋。傳曰渰雲興貌。○長樂劉氏曰天將降雨則地氣上騰蒸為濕潤渰浸

萬物。○朱氏曰萋萋盛貌。

興雨祁祁

音岐。傳曰祁祁徐也。○箋曰古者陰陽和風雨時其來祁祁

然而不暴疾。○王氏曰：雲欲盛，盛則雨；雨欲徐徐，則入土。○今曰：監本作「祁」，俗本作「祈」，誤也。采，綦被之；祁，祁七

月及出車采，綦祁祁韓奕祁祁如雲。雨我公田。雨音遂。

及我私。疏曰：此雨本主為雨公田耳。因遂及我之私田。彼有不穫穧。穫音鑊。○長樂劉氏

曰：穧謂穗之低小刈穫之所不及者。○此有不斂穧。上

今日亦以穧禾其熟遲晚未可刈也。聲穧音劑。○疏曰：穧禾之鋪而未束者。○長彼有遺秉

樂劉氏曰：穧謂刈而遺忘束縛之所不及者。此有滯穗。音遂。○疏曰：秉謂束而輦載之所不及者。○此有滯穗。滯

漏之禾穗也。伊寡婦之利。

三章述民喜雨之意及豐年惠及矜寡之事也有淦

然而興之雲萋萋然盛所謂天降時雨山川出雲也
興雨祁祁然安徐而不暴所謂雨不破塊也農民喜

雨歸功於君謂此雨為雨公田因及我之私田吾民
皆蒙君之福也及穀熟刈刈之時彼處有不獲刈之
幼禾此處有不收斂之鋪穢彼處有遺餘之秉把此

處有滯漏之禾穗維寡婦取之以為利耳

長樂劉氏
曰皆緣豐

稔農夫之力所不能盡取而鰥寡享其遺利○朱氏
曰此見其豐盛有餘而不盡取人與鰥寡共之蓋既
足為不費之惠而亦不棄於地也不然則
粒米狼戾不殆於輕視天物而慢棄之乎

曾孫來止

曹氏曰甫田所言省耕時也大田所言省斂時也

以其婦子饁彼南

畝田畯至喜來方禋祀

禋音因○詩記曰國語內史過云精意以享禋也

以其

騂黑

傳曰騂牛也黑羊豕也○箋曰陽祀用騂牲陰祀用黝牲黝音酉○疏曰毛以方社連文同用太牢

故以黑為羊豕通牛為三牲也地官牧人云陽祀用騂牲陰祀用黝牲陽祀南郊及宗廟陰祀北郊及社稷毛分騂黑為三牲鄭以騂黑為二色故引牧人騂黝以明騂黑為別方之牲耳非謂四方之祭在陽祀陰祀之中也○詩記曰來南方則用騂牲來北方則用黑牲獨舉騂黑者孔氏所謂畧舉二方以為韻句是也

與其

黍稷以享以祀以介景福

四章述成王省斂而祭方也曾孫成王來田畝之時

民皆以其婦之與子饁饋於南畝之中田畯之官至而喜之成王所來之方致其禋祀以報農功之成以其或赤或黑之牲與其粢盛以獻以祀神饗之而報以大福也

大田四章二章章八句二章章九句

瞻彼洛矣刺幽王也思古明王能爵命諸侯賞善罰惡焉

瞻彼洛矣

王氏曰洛水東都之所在也。○詩記曰職方氏河西曰雍州其浸渭洛故毛傳以洛為宗

周之浸水洛水雖出於京兆上洛西山維水泱泱音央然其流尚微此詩所謂洛蓋指東都也

曰泱泱君子至止朱氏曰君子指天子也○補傳曰深廣貌

祿如茨箋曰茨屋蓋也喻多○解見甫田韎韐有奭韎韐音昧閣奭與之入字亦作施○

傳曰韎韐茅蒐染草也一曰韎韐所以代韞也○曰茅蒐茜也即茹蘆也解見鄭東門之墀○疏曰韎韐是蔽

膝之衣合韋為之以茅蒐草染之大夫以上祭服謂之韍士無韍名謂之韎韐玉藻云一命緼韍黻珩則士亦

名韍矣彼注云子男大夫一命以子男大夫故言韍耳其實士正名韎韐士冠禮爵弁服韎韐不言韍是也奭

赤色緼音溫黻音酉○王氏曰周官凡有兵事韋弁服先儒以為左傳所謂韎韐之跗注是也跗音夫○今曰

采芑路以作六師曹氏曰作車有奭而行之也

洛為東都周末東遷之時雖宅鎬京而會諸侯則於東都以四方道里均也詩人瞻洛水之深廣思昔天子至此朝會諸侯其錫予之福祿如屋蓋茅茨之多若國有征伐之事又使服韎韐之飾其色奭然而赤以作六師而行之當是之時朝覲會同四海來假爵賞征伐自天子出何其盛也乃今泱泱之水猶昔也而無向來之盛事矣故傷而思之

瞻彼洛矣維水泱泱君子至止韎韐有珌

韎音丙韐必孔反亦作韐

琕音必。○傳曰：鞞，容刀鞞也。琕，上飾琕，下飾也。天子玉琕而珽，珽，諸侯璫，琕而璆，珽大夫鐻，琕而鏐，珽士琕，琕而琕，珽音遙，璫唐之上濁，璆音求，玉也。鐻音遼，鏐音留，琕音戾。○疏曰：鞞，刀鞘也。說文云：珽，蜃甲也。爾雅云：黃金謂之璫，其美者謂之鏐，即紫磨金也。白金美者謂之鐻，珽蜃屬而不及於蜃，用其甲以飾物。鞘音笑，刀室也。○公劉疏曰：桓二年左傳云：藻率，鞞鞞，屬游纓，昭其數也。率，音律。

君子萬年保其家

室

天子至此東都有容刀以為賜予之物，其容刀以鞞盛之，其上有琕之飾，下有珽之飾。天子能寵錫諸侯，宜萬年保其國家也。

瞻彼洛矣維水泱泱君子至止福祿既同

曹氏曰言受福祿者均也

○今日蓼蕭采菽言萬福攸同與此一也

君子萬年保其家邦

瞻彼洛矣三章章六句

裳裳者華刺幽王也古之仕者世祿小人在位則讒諂

並進棄賢者之類絕功臣之世焉

疏曰古者有世祿復有世位世祿者直食

其先人之祿而不居其位不賢尚當然子若賢則居父位矣○曹氏曰蔡丘之盟士無世官禮稱大夫不世爵春秋譏世卿自卿大夫以至於士皆不可世所可世者祿而已

裳裳者華

曹氏曰召南云何彼襖矣唐棣之華說文以襖為衣厚貌則所謂裳裳者華亦當如衣裳

之禮厚矣

其葉湑矣

湑須之上○錢氏曰湑猶沃也葉美如沃

我覲之子

覲滿之去○箋

曰覲見也○長樂劉氏曰之子謂賢者功臣之子孫也

我心寫兮

寫解見蓼蕭及泉水

我心

寫兮是以有譽處兮

處者杵○譽處解見蓼蕭

興也此詩極言勲賢子孫之美而惜其不用也常棣

以華鄂興兄弟此詩以華葉興家世裳裳襍厚之華

其葉又湑然潤澤華葉上下相承猶賢者前後相繼

而榮顯也我見是勲賢之子孫我心為之輸寫愛其

先人喜其有後也稱是子必有名位蓋為期望之辭

而刺幽王之棄絕也

裳裳者華其黃矣

傳曰其黃盛也。○蘇氏曰色之上也。○今曰老子云夫物芸芸

我

覲之子維其有章矣

蘇氏曰章文也

維其有章矣是以有慶矣

錢氏曰有慶謂君寵錫之。○今曰王制則有慶

是子文章之美如華之盛宜蒙君之寵錫何為棄絕

之乎

裳裳者華或黃或白

丘氏曰取韻便也

我覲之子乘其四駱

音洛

○解見

乘其四駱六轡沃若

解見皇皇者華

是子宜乘駟車六轡沃然榮耀于時何為落莫如此乎

左之左之君子宜之

箋曰君子斥其先人也

右之右之君子有之

維其有之是以似之

既稱是子之美因贊其先世今人見有佳子弟必曰是其前人所積鍾慶於此也言是子之先君子材全德備左之則無所不宜右之則無所不有有謂所蘊不竭也惟其所有如此是以子孫肖似之然則幽王

不唯棄材且忘舊德矣

裳裳者華四章章六句

桑扈

音戶

刺幽王也君臣上下動無禮文焉

長樂劉氏曰君臣以言其

朝廷也上下以言其風俗也朝廷風俗之禮而謂之文者尊卑異位也親疎異情也長幼異序也內外異宜也往來異守也動而相交合而相紀莫不成文而中於義理序其品則曰人倫也序其義則曰禮文也朝廷所以綱天下之風俗不可以一日無之也

交交桑扈

箋曰交交往來貌○曰桑扈有二種此色之竊脂者也○解見小宛

有鶯其羽

傳曰鶯然有文章

君子樂胥

今日箋以君子指王者朱氏以為指諸侯今以為泛稱古之君臣

雨無正箋
受天之祜胡之
曰胥相也上濁

此桑扈色之竊脂者交交然飛而往來其羽有文
章鶯然可愛喻君臣以禮文相接粲然可觀也胥
相也一不獨立二則為文交際相與禮文行焉而
君子樂於相與是好禮不倦宜其受天之福也刺
幽王君臣不然

交交桑扈有鶯其領傳曰領頸也○長樂劉氏曰領所以首出於身者欲有作為未動其

羽而先奮其領文綵
四張鶯然可愛也
君子樂胥萬邦之屏音丙○曹氏曰屏塞門所

以外以蔽

禮者所以辨上下正紀綱誰敢侮之宜足以屏蔽萬

邦也

曹氏曰魯秉周禮而齊不敢圖何屏如之有禮則安無禮則危秦襄公未能用周禮則無以固

其國

之屏之翰

毛傳曰翰幹也。見文王維周之禎。

百辟為憲

箋曰辟君也。傳曰憲法

也

不戢不難

戢簪之入。箋曰戢斂也。

受福不那

傳曰那多也。今曰商頌猗與那與

承上文之意言君子能以禮為國屏翰則諸侯皆以

之為法而謹於禮矣使其不自戢斂不自畏難則受

福必不多矣

曹氏曰在泰而不能自戢則放逸而無檢在易而不知思難則輕驕而生患若

是則福不盈皆而禍隨其後矣皆音漬又音劑

兕觥其觶

兕詞之上濁觥音肱觶音求○箋曰兕觥罰爵也○解見卷耳○詩記曰兕觥如卷耳罍

觥並陳則不必指為罰爵如此詩則指為罰爵也○朱氏曰觶角上曲貌頌作球

旨酒思柔彼

交匪敖去聲萬福來求

今日萬福來求猶淮夷來不言來淮夷古人之語多倒

兕觥所以罰不敬者觶然其角上曲設之所以為酒

戒也美酒人所甘過則反亂常思溫克則兕觥設而不用矣彼古人交際之間無所敖慢是來求多福也

言福備於我在反而求之耳

桑扈四章章四句

鴛鴦

音寬

刺幽王也思古明王交於萬物有道自奉養

有節焉

箋曰交於萬物有道謂順其性取之以時不暴天也○呂氏曰自楚茨至鴛鴦八篇皆陳古以

刺今也

鴛鴦于飛

傳曰鴛鴦匹鳥○箋曰言其止則相耦飛則為雙○疏曰必待其長大能飛乃取之不於

幼小而畢之羅之

疏曰月令云羅罔畢翳注云罔小而柄長謂之畢畢則執以掩物釋器云

鳥罟謂之羅則張以待物

君子萬年

箋曰君子謂明王也

福祿宜之

興之不兼比者也先王之時入澤設罽皆有時殺胎
覆巢皆有禁合圍掩羣皆所不為故其民漸被仁政
皆有仁心鴛鴦之鳥待其長大能飛乃執畢以掩之

有得有不得焉又張羅以網之待其自入皆不盡物
之意也德及禽獸如此宜其壽考而受福祿也毛氏
謂之興孔氏謂舉一物以興其餘興之不兼比者也

長樂劉氏曰苟非禮樂刑政之治于其民而中和決
於風俗則仁民恤物之道其能及於是耶是以舟車
所至人力所通天之所覆地之所載日月所照
霜露所墜凡有血氣者莫不尊親故曰配天

鴛鴦在梁

詩記曰橋梁魚梁皆是不必專以為石絕水之梁

戢其左翼

戢音之入○曰

戢音飲也○白華箋曰飲左翼者謂右掩左也鳥之雄不可別者以翼右掩左雄左掩右雌○疏曰舉其雄

者而言耳○解頤新語曰或云禽鳥並棲一正一倒戢其左翼以相依於內舒其右翼以防患於外蓋左不用

而右便
君子萬年宜其遐福

竭澤而漁則無魚焚山而狩則無獸畢羅取之不盡故有鴛鴦在於魚梁其雄者斂其左翼以右翼掩之遂其性也

乘馬在廐

乘鄭如字徐去聲廐音救

摧之秣之

摧音挫秣音末○箋曰摧今莖字○釋文

曰推芻也 君子萬年福祿艾之

艾音礙。傳曰艾養也。

天子所乘之馬飼之宜厚今其在廐無事則推之以芻有事乃秣之以穀不常秣之愛國用也所乘者如此他馬可知

乘馬在廐秣之推之君子萬年福祿綏之

鴛鴦四章章四句

頍弁

頍音跪

諸公刺幽王也

疏曰同姓諸公

暴戾無親不能宴樂

同姓

樂音洛

親睦九族孤危將亡故作是詩也

幽王之時亂亡已迫而不自知族人與國同休戚深
竊憂之而王疎遠宗族無由進其忠告其族人之尊
者遂作此詩因王不宴樂同姓藉以為辭而告以禍
敗之戒非欲王宴樂之也但詩人優柔之辭先從宴
樂上說來以漸及危亡警懼之意故讀者不覺真謂
刺不能宴樂同姓而已當是時驪山之禍將作人情
凜凜不保朝夕幽王方且飲酒無度詩人豈復勸其
宴樂哉○國風小雅多寓意於言外或意雖形於言

而優柔紆餘讀者不覺也有言古不言時而意在刺

時者

如甫田采菽之類

有言乙不言甲而意在刺甲者

如叔于田

全述叔段之事而實刺鄭莊叔聊全述沃之盛強而實刺晉昭

有首章便見意餘章

變韻成歌者

此類甚多

有前數章皆含蓄而末章乃見意

者

如載驅之類

有首尾全不露本意但中間冷下一二語

使人默會者

如碩人猗嗟之類

有言輕而意重者

如凱風言母氏勞苦

而不言欲嫁

有先從輕處說起漸漸說得重者

如四月憂世亂而先

歎征役之勞類并刺危亡而先說不宴樂同姓

讀詩與他書別唯涵泳浸漬

乃得之

有頰者弁

傳曰頰弁貌皮弁也。○說文曰頰舉頭貌。○錢氏曰舉首則弁愈高。○箋曰禮天子諸侯

朝服以宴天子之朝皮弁以日視朝。○疏曰王制云周人冕而祭玄衣而養老注云凡養老人之服皆其時與羣臣燕之服如彼注則天子之燕用玄衣此言皮弁者蓋天子燕服有二燕羣臣用玄冠親同姓用皮弁也賓之初筵三章賡云此祭末王與族人燕而經云側弁之俄是燕同姓用皮弁之事也實維伊何箋曰

實猶是也

爾酒既旨爾殽既嘉

箋曰旨嘉皆美也

豈伊異人兄弟匪

他薦與女蘿

薦音鳥蘿音羅。○傳曰薦寄生也。○疏曰陸璣云薦一名寄生葉似當盧子如覆盆

子赤黑色。○曰女蘿今菟絲子也即桑中所謂采采唐矣。○釋草曰唐蒙女蘿女蘿菟絲。○陸璣曰毛云松蘿

也今菟絲蔓連草上生黃赤如金今合藥菟絲子也非
松蘿松蘿自蔓延松上而生與兔絲殊異本草經云萬
為女蘿此古今方俗名草不同也○山陰陸氏曰舊說
上有菟絲下必有伏菟之根無此菟在下則絲不得生
乎上然其實不屬也淮南子云下有茯苓上有菟絲又
云菟絲無根而生蛇無足而行魚無耳而聽蟬無口而
鳴皆自然也 施于松柏施音異○疏曰松柏存而茂松柏殞而亡未見君子箋曰君子
斥幽憂心奕奕音亦○傳曰奕奕然無所薄既見君子
王也○疏曰憂則心遊不定

庶幾悅懌

音悅亦

天子燕同姓則服皮弁今幽王服其皮弁頽然舉首
則弁愈高宜何為乎宜燕同姓也酒旨殽嘉非不足

於禮也所與燕者豈異人疏遠者乎皆兄弟至親非
有他故無嫌疑也何為不行乎薦與女蘿延于松柏
之上視松柏以為命松柏殞則二草亡矣猶族人依
託於王亦視王以為存亡也今王踈遠族人使之不
得親近故我未見王則憂心奕奕然無所薄既見王
則庶幾喜悅一見之間所繫憂喜如此者以死生存
亡同之思得效其忠告豈為區區之禮哉

有頍者弁實維何期

音基本亦作其○箋曰
何期猶伊何也期辭也

爾酒既旨

爾穀既時

楊氏曰君子之食惟其時物如春則食麥與羊之類○時有考見魚麗

豈伊異

人兄弟具來薦與女蘿施于松上未見君子憂心忼忼

音柄韻亦作丙○傳曰忼忼憂盛滿也

既見君子庶幾有臧

傳曰臧善也

庶幾王之改圖而為善猶庶曰式臧也

有頍者弁實維在首爾酒既旨爾殽既臯

箋曰臯猶多也

豈伊

異人兄弟甥舅

長樂劉氏曰甥舅謂母姑姊妹妻族也

如彼雨雪

雨音

先

集維霰

音線○箋曰將大雨雪始必微溫雪自上下遇溫氣而搏謂之霰久而寒勝則大雪矣○疏曰

大戴禮曾子云陽之專氣為霰陰之專氣為雹盛陽之氣在雨水則溫暖為雨陰氣薄而脅之不相入則搏為

電也盛陰之氣在雨水則凝滯而為雪陽氣薄而脅之不相入則消散而下因水而為霰是霰由陽氣所薄而為之○補傳曰霰稷雪也或謂之米雪謂其粒若稷若米然○錢氏曰粒雪也

死喪無日

喪去聲○

箋曰無有日數○今曰言不久矣

無幾相見樂酒今夕君子維宴

推親親之恩當由兄弟以及甥舅也霰集雪即繼之不待遲久喻死亡之兆已見近在旦夕無多日矣上二章言族人以未見王為憂既見王為喜其辭猶緩也末章言國亡無日族人縱得見王其能幾乎當急與族人飲酒相樂於今夕蓋王今維宜宴而已言今

夕謂未保明日之存亡言維宴謂天下之事已無可
為惟須飲耳其辭甚迫矣所以警告於王者至剴切
矣族人之情迫切如此豈真望王宴樂之哉○見
即上二章未見既見之見謂見王也君子即上二章所
指王也詩記以上二章君子為幽王末章君子為
族人自相語非也

頌弁三章章十二句

車牽

音轄

大夫刺幽王也褒姒嫉妬

褒姒解見正月

無道並進讒

巧敗國

敗音拜

德澤不加於民周人思得賢女以配君子

故作是詩也

間關車之牽兮

傳曰間關設牽也○疏曰牽無事則脫行乃設之○錢氏曰間關猶艱難也軼轄

之間鎮密故設之難○釋文曰牽車軸頭鐵也○牽解見邶泉水

思變季女逝兮

變音衛○傳曰

變美貌○箋曰逝往也

匪饑匪渴德音來括

音括○德音解見假樂○傳曰括會也

雖無好友

好去聲

式燕且喜

箋曰式用也○疏曰凡人燕飲喜樂須賢友共之

大夫言已欲間關然設其牽思得變然美好之少女

以此車往迎之我非饑也非渴也欲得有賢譽之女

來與王會如饑渴耳時褒姒方寵而大夫欲別求淑女以配王則嫉褒姒甚矣凡人得同志相愛之友則飲酒樂甚若迎得此賢女以配王則我心自喜樂雖無同好之友但尋常之人亦可與之燕而喜樂也

依彼平林

傳曰依茂木貌平林林木之在平地者也

有集維鷖

音驕○曰鷖長尾雉也○

疏曰鷖是雉中之別名○陸璣曰微小於翟走而且鳴音鷖鷖然其色如雌雉尾如雉尾而長其頭上有肉冠冠上蒙毛長數寸如雄雉尾角也其肉甚美故林麓山下人語曰四足之美有鹿兩足之美有鷖鹿者似鹿而小也鷖音叢鹿音標○山陰陸氏曰

辰彼碩女

傳曰辰時也○

薛綜云雉之健者為鷖尾長六尺

疏曰碩令德來教式燕且譽好爾無射

好去聲射音亦
箋曰射厭也

大也

王后褱衣畫翬翬者雉之五彩成章者也鵠亦雉
之一種故以喻后妃言依然茂盛之平林有集止者維
鵠雉興王宮之貴宜有賢女居之也當今之時若彼
碩大賢女以令德來配君子而教誨之我將燕樂相
慶且稱譽之悅慕爾碩女無厭也悅彼所以惡此也
幽王昏亂法家拂士之言不見聽矣所信惟婦言故
思得賢女教誨之耳

雖無旨酒式飲庶幾雖無嘉穀式食庶幾雖無德與女

音汝○錢氏曰女作詩者相謂也

式歌且舞

若得此賢女以配君子則我不必旨酒嘉穀亦與朋友飲食相樂且相謂曰彼賢女雖無恩德及汝然相與歌舞不能自己也樂賢女如此則惡褒似甚矣

陟彼高岡

箋曰陟登也

析其柞薪

析音錫柞音鑿○今考釋文於此詩作獨子洛反音

作也至采菽維柞之枝作雨音云子洛反又音昨至縣柞械拔矣又獨音子洛反止是一木自為參差今皆音鑿昨音同○曰柞標也即唐鵠羽所謂栩也解見鵠羽

析其柞薪其葉湑兮

湑須之上

○疏曰渚茂盛也○錢氏曰渚猶沃也葉如沃

鮮我覲爾

鮮上聲○箋曰鮮善也○錢氏曰希有也

我見若爾者鮮矣

我心寫兮

陳氏曰析薪以興昏姻善乎我得見爾賢女則可輸寫而無憂矣○

寫解見

蓼蕭

高山仰止景行行止

上行去聲下行如字○傳曰景大也

四牡騤騤

音非

轡如琴覲爾新昏以慰我心

此歎淑女之賢也有高山則人瞻望而仰之有景大之德行則人視法而行之賢女如高山景行之可尊仰也故我願具四牡之馬騤騤然行而不息調其六

轡如琴聲之相應以往迎此賢女使我見王得此賢女為新昏則慰我心矣言新昏則外其舊者也

車牽五章章六句

青蠅大夫刺幽王也

營營青蠅

傳曰營營往來貌。歐陽氏曰往來之飛聲。○長樂劉氏曰蛆蟲所變而成者青蠅也其

飛之聲則營營然亂人之聽其止於物則穢敗之止于又從而生蛆復變為蠅其穢敗於物無有紀極也

樊

音煩。傳曰樊藩也。

豈弟君子

疏曰君子謂王者也。

無信讒言

蠅能汙白為黑如讒人之誣讎善類

蠅音蔑

驅去復還

如小人之易進難退故以取喻焉青蠅集于在外之樊籬若不必惡之也然其營營往來將入宮室汙几席不但止樊而已也喻讒人為亂漸致迫近當防其微也惟王者持心樂易無信讒言則小人不可得而入矣持心猜忌則讒易入

詩記曰前漢昌邑王傳云王夢青蠅之矢在西階東

可五六石以問郎中令遂遂曰陛下之詩不云乎營營青蠅止于藩愷悌君子無信讒言陛下左側讒人

衆多如是青蠅惡矣注惡即矢也

營營青蠅止于棘

丘氏曰謂植棘為藩也○今日以讒棘為藩謂荆棘之棘解見楚茨

讒

人罔極

罔極解見衛氓

交亂四國

李氏曰四方也

讒言無有窮極豈特近者不安雖四國之遠亦以交

亂其禍甚大矣

營營青蠅止于榛

傳曰榛所以為藩也

讒人罔極構我二人

箋曰構合

也○朱氏曰已與聽者為二人

讒人罔極將交亂四國自構合我二人始耳

青蠅三章章四句

賓之初筵衛武公刺時也幽王荒廢媒近小人

媒音薛

飲

酒無度天下化之君臣上下沈湎淫液

沈直林反湎音免液音亦○疏

曰酒誥注云齊色曰酒沈酒者飲酒過久若沈沒然使酒然俱醉顏色齊同也樂記說樂之遲云詠歎之淫液

之則淫液遲久之意也

武公既入而作是詩也

歐陽氏曰詩人之作常陳古以刺今

此詩五章其前二章陳古如彼其後三章刺時如此也

毛氏以大侯既抗為燕射鄭氏以為大射董氏云崔

靈恩集注以一章為大射二章為燕射記取之今從

詩記

賓之初筵

箋曰筵席也初即席也○蘇氏曰先王將祭必大射以擇士將射必先行燕禮

左右

秩秩

丘氏曰謂據筵上左右之人。蘇氏曰秩秩有序也。

籩豆有楚

曹氏曰楚潔也。解見曹

蟬蟬衣裳楚楚

穀核維旅

傳曰穀豆實也。箋曰豆實菹醢也。籩實有挑梅之屬。今曰旅衆也言

品之多

酒既和旨飲酒孔偕

箋曰偕齊一也

鐘鼓既設

箋曰鐘鼓於是言既

多

設者將射改縣也縣音玄。疏曰天子宮懸階間妨射

位故改懸以辟射也鄉射禮將射乃云樂正命弟子贊

工遷樂于下琴瑟之樂尚遷之明鐘鼓之懸改之矣大

射不言改懸者諸侯與臣行禮畧三面而已不具軒懸

東西懸在兩階之外兩階之間有二建鼓耳東近

東階西近西階又無鐘磬不足以妨射不須改也

舉醕

逸逸

朱氏曰舉所奠之醕爵也。曹氏曰逸逸然整而暇

大侯既抗

傳曰大侯君侯也抗舉也

○箋曰天子諸侯之射皆張三侯故君侯謂之大侯

將祭而射謂之大射下章言烝衍烈祖其非祭與

弓

矢斯張射夫既同

朱氏曰射夫既同此其耦也。○疏曰天子大射賓射皆六耦。○詩記曰鄉

射禮注云耦比選其材相近者也

獻爾發功

箋曰獻猶奏也各奏

發彼

有的

傳曰的質也。○疏曰大射之侯其中制皮為鵠賓射之侯其中采畫為正正大如鵠皆居侯中三分

之一其燕射則侯中畫為獸其中射處皆二尺射義云循聲而發發而不失正鵠者其惟賢者乎詩云發彼有

的以祈爾爵則以的為正鵠也司裘注說皮侯之狀云以虎熊豹麋之皮飾其側又方制之以為質謂之鵠是

鄭意以侯中所射之處為質也正音征

以祈爾爵

傳曰祈求也。○疏曰射義云求中以辭爵也酒

者所以養老所以養病求中以辭養也大射禮云勝者之弟子洗解升酌散南面坐奠于豐上勝者皆袒決遂執張弓不勝者皆襲脫決拾却左手右加弛弓於其上遂執弣勝者先升堂不勝者進北面坐取豐上之解興

少退立卒解坐奠於豐下解音志酒器也弣音撫把中也○曹氏曰求免於罰爵而已

首章述古人將祭大射擇士先行燕禮也賓之初即席也賓主分為左右秩秩然有序籩豆楚而潔淨穀實於豆核實於籩其品甚衆酒既和調而旨美飲酒之人甚偕而齊一矣又設鐘鼓以為樂醕則賓奠爵而不舉至旅乃舉所奠之醕爵旅醕交錯逸逸然整而暇也君侯謂之大侯既抗舉之弓矢入皆張之射夫既同比其耦也各奏其發矢中的之功射不中者

飲豐上之解射者與其耦發矢之時各心競云我發矢中彼正鵠之的以求免爾之罰爵論語所謂揖讓而升下而飲其爭也君子○舊說謂求勝以爵不勝

者不若射義求中以辭罰爵之為寬大也

疏曰毛以此篇為燕

射鄭則為大射射禮有三有大射有賓射有燕射大射者將祭擇士於射宮賓射者謂諸侯來朝與之射於朝燕射者因燕賓客即與射於寢此三者其處不同其侯亦別冬官梓人云張皮侯而棲鵠則春以功張五彩之侯則遠國屬張獸侯則王以息燕三者別文皮侯即大射也五彩之侯賓射也獸侯燕射也春音蠢彼注云作也將祭與羣臣射以作其容體與之事鬼神

籥舞笙鼓

箋曰籥管也。解見簡兮。

樂既和奏烝衍烈祖

衍看之法。箋曰烝。

進也。衍樂也。王氏曰烈業也。

以洽百禮

箋曰洽合也。疏曰百禮事神之衆禮也。

百禮既

至有壬有林

傳曰壬大也。李氏曰林盛也。今日大謂主祭者衆謂助祭者。

錫爾純

嘏

音假。箋曰純大也。嘏謂尸與主人以福。

子孫其湛

音耽。曹氏曰宗族皆烈祖之子孫。鹿。

鳴。傳曰湛樂之久也。

其湛曰樂

音洛。各奏爾能賓載手仇。

蘇氏曰載則也。董。

氏曰仇匹也。所謂耦也。

室人入又

王氏曰室人主黨也。

酌彼康爵

傳曰酒所以安體也。

以奏爾時

蘇氏曰薦之以時物也。時物解見頌弁時有考見魚麗。

上章言未祭之燕故擇士而射為大射此章言既祭

之燕故因燕而射為燕射也方祭之初秉籥而為文
舞舞入而笙鼓交作樂聲既和平而具奏進以衍樂
其烈祖以會合其事神之衆禮有大謂主祭者指君
也有衆謂助祭者指卿大夫及諸侯也君臣皆當神
之意於是尸傳嘏辭云賜爾君以大福爾與子孫宜
相與湛樂助祭者皆烈祖之子孫湛者樂之久令其
從容燕飲也主人既受嘏辭於是相與湛而為樂留
族人以燕燕而又射各奏其技賓黨射則手敵主黨

射則又手敵皆善射也射畢酌彼安爵而薦之以

時物

賓之初筵溫溫其恭其未醉止威儀反反

如字○傳曰反反言重慎

也○蘇氏曰顧禮也

曰既醉止威儀幡幡

音翻○傳曰幡幡失威儀也○蘇氏曰輕數也

舍其坐遷

舍音捨

屢舞僊僊

王氏曰僊僊軒舉之貌

其未醉止威儀

抑抑

傳曰抑抑慎密也

曰既醉止威儀怵怵

音弼○傳曰怵怵媒媿也

是曰

既醉不知其秩

董氏曰秩序也

三章以下陳幽王君臣飲酒則不然賓初升筵尚溫

溫然和柔而恭敬未醉之時威儀猶能反反然重謹
至於既醉幡幡然失威儀舍其本坐遷向他處數數
起舞僂僂然軒舉武公疾之又重言之云方其未醉
威儀尚抑抑然謹密至於已醉威儀乃怱怱然嫖嫖
是曰既醉昏亂無次不知其秩序矣

賓既醉止載號載呶

號音豪呶音詭○傳曰號號呼也呶謹呶也○疏曰唱叫也

亂

我籩豆屢舞僛僛

音欺○王氏曰僛僛傾側之貌

是曰既醉不知其郵

音尤○箋曰郵過也○朱氏曰郵無尤同

側弁之俄

箋曰側傾也俄傾貌

屢舞傄傄

音傄

又音瑳○傳曰
傚傚不止也

既醉而出並受其福醉而不出是謂

伐德飲酒孔嘉維其令儀

賓既醉而呼號謹叟亂我籩豆之列屢舞僛僛然傾
側蓋既醉則不自知其過郵也又傾側其弁而俄俄
然不正屢舞傚傚然不止賓既醉而出則可以皆受
其福言得禮也醉至若此而不出是自伐其德也飲
酒之所以甚美者以其令儀耳今何其不令也

凡此飲酒或醉或否既立之監或佐之史彼醉不臧不

醉反恥式勿從謂

朱氏曰謂告也。○錢氏曰從謂就人之位而與言也。

無俾大怠

大音泰

匪言勿言匪由勿語

去聲又如字。○箋曰由從也。

由醉之言俾

出童殺

音古。○傳曰殺羊不童也。○箋曰殺羊之性牝牡有角。

三爵不識

箋曰獻也。○酬也。

也醉矧敢多又

今此飲酒或有醉者或有醒者立之監以正其禮佐之吏以正其過政欲防失禮者也彼醉者失禮而不善乃反以醒者為恥非立監吏之意也此醒者遂相告以彼人已醉勿就其位而與之言與之言則彼愈

更號呶是使之大為怠慢也吾等醒者但自持謹
所不當言者勿言所不當從者勿語耳非不欲忠告
於彼彼醉人不可告語也童羊無角殺未有無角者
彼醉人之言如使人出童殺以無為有言語無倫如此
蓋飲至三爵已昏然無所識矣況又多飲何由可與
語乎

賓之初筵五章章十四句

詩緝卷二十三

欽定四庫全書薈要卷一千二十四

經部

詩緝卷二十四

宋 嚴粲 撰

魚藻之什

小雅

魚藻

音早

刺幽王也言萬物失其性王居鎬京

鎬豪之
上濁

將

不能以自樂

音洛

故君子思古之武王焉

此詩止刺幽王後序因詩有在鎬之文遂云思武王

耳

魚在在藻

箋曰藻水草也。長樂劉氏曰夏月之時淺水生藻。補傳曰水必淺涸然後魚在藻間。

此乃魚窘迫之狀喻民處亂世其蹙迫有頌其首頌音

焚

恐懼亦若魚之在藻也。藻解見米蘋

傳曰頌大首貌。補傳曰

王在在鎬今日王

豈樂飲酒

首大而尾長乃魚之瘠者

豈樂音愷洛。

箋曰豈亦樂也

興也水深則魚樂所謂躍淵縱壑相忘於江湖者也
今魚何在乎淺水生藻而魚在焉露其頌然之大首
猶言魚在于沼亦匪克樂喻民之窮蹙窘迫也幽王
何在乎在鎬京豈樂而飲酒民安而後君安今民失
其所而王獨樂其能久乎孟子所謂雖有臺池鳥獸

豈能獨樂哉

魚在在藻有莘其尾

莘音詵。傳曰莘長貌。

王在在鎬飲酒樂豈

潛魚願深渺今既露其首復驚逝而露其莘然之長尾蓋在淺水之處故逃竄窘迫首尾俱見也

魚在在藻依于其蒲

補傳曰蒲生於岸始依此以匿其形耳

王在在鎬有

那其居

那音儺。箋曰那安貌。

藻猶在水之中蒲生近岸則水又淺矣愈更窘促也

幽王在鎬安然以居不知危亡之將至也

魚藻三章章四句

采菽

音叔

刺幽王也侮慢諸侯諸侯來朝

音潮

不能錫命以

禮數徵會之而無信義

數音朔

君子見微而思古焉

疏曰周本

紀云褒姒不好笑幽王欲其笑萬方故不笑幽王為烽火

燧大鼓有寇至則舉燧火諸侯悉至而無寇褒姒乃大

笑幽王欲悅之數舉烽火其後不信益不至幽王之廢

申后去太子申侯怒乃與繒西夷犬戎共攻幽王幽王

舉烽火徵兵兵莫至遂殺幽王

王驪山下繒音晴國名也

采菽采菽

箋曰菽大豆也采其葉以為藿。菽解見小宛

筐之宮之

筐音匡宮音舉。筐

宮解見

君子來朝何錫予之

予音與

雖無予之路車乘馬

采蘋

乘去聲。疏曰：賜同姓以金路，異姓象路。解見韓弈。又何予之玄衮及黼？傳曰：

卷龍也。白與黑謂之黼。卷音捲。箋曰：玄衣而畫以卷

龍也。疏曰：龍首卷然，謂之衮。衮則畫之，黼則刺之。諸

公之服，自衮冕而下，侯伯自鷩冕而下，子男自毳冕而

下。司服注云：九章，初一日龍次，二曰山次，三曰華蟲次，

四曰火次，五曰宗彛，皆畫以為績次，六曰藻次，七曰粉

米次，八曰黼次，九曰黻，皆紵以為繡。則衮之衣五章，裳

四章，凡九也。鷩畫以雉，謂華蟲也。其衣三章，裳四章，凡

七也。毳畫虎，雌謂宗彛也。其衣三章，裳二章，凡五也。紵

衣粉米，無畫也。其衣一章，裳二章，凡三也。玄冕者，衣無

文，裳刺黻而已。是以謂之玄焉。鷩音鷩，毳尺銳反。雌位

袖壘三音。朱氏曰：黼如斧形，刺之於裳也。詩記曰：

上公之服九章，玄者衣之色也。衮者畫之於衣，九章之

第一章也。黼者繡之於裳，九章之第

八章也。玄衮及黼，皆謂上公之服也。

王饗諸侯以太牢其餽羹之芼牛則以藿藿菽豆之葉也言采菽葉而盛之筐筥知用太牢之盛禮以饗諸侯也饗則有車馬衣服之賜以為宥故言此諸侯之來朝也有何物以錫予之雖無以予之尚與之以路車及駟馬有車馬以賜之而言無予之蓋其意猶以為薄也車馬之外又有何物予之又以玄衣畫龍之衣及刺斧之黼裳好之之意無已也衮黼上公之服舉尊者言之古者懷諸侯之

道如此而今不然也

感沸檻泉

感沸音必弗檻街之上濁。傳曰感沸泉出貌。釋水曰檻泉正出正出湧出也。李巡

曰水泉從下上出曰湧泉

言采其芹

音勤。箋曰周禮芹苴鴈醢。釋草曰芹楚葵。郭璞曰今水

中芹菜。山陰陸氏曰一名水英芹潔白而有節其氣芬芳而味不如蓴之美故列子以為客有獻芹者鄉豪

取而嘗之蜚於口慘於腹也蜚音浙

君子來朝言觀其旂其旂淠淠

音啓徐音

淠淠傳曰淠淠動也

鸞聲嘒嘒

音諱。王氏曰嘒嘒言其聲之細聲之細則無敢馳驅故也

載

駟載馬

駟七南反駟音四。蘇氏曰駟既駕而三之曰駟

君子所屆

長樂劉氏曰屆

也至

感沸然正出之檻泉我明王使人於此水中采其芹
菜以為饗諸侯之道也諸侯來朝之時觀其旌旂則
淠淠然動其車馬鸞鈴之聲又嘒嘒然細言雍容中
節也見其驂馱之馬是諸侯來朝而至也

赤芾在股

芾音弗股音古傳曰諸侯赤芾邪幅。赤芾詳解見曹侯人朱芾解見采芑。箋曰脰本

曰邪幅在下

幅今音通舊音福。今考內則幅及桓二年左傳帶裳幅舄幅偏字異皆音通。箋

曰邪幅如今行膝也幅束其脰自足至膝故曰在下。疏曰膝緘也言行而緘束之

彼交匪紓

朱氏

曰交際也。傳曰紓緩也。

天子所予樂只君子

樂只音洛止

天子命之樂

只君子福祿申之

諸侯來朝服其赤芾而在股又著邪幅偁束其脛而
在下彼交際於天子恭敬齊遯不敢紆緩天子由是
賜予之樂哉此諸侯天子之所錫命而福祿之所申
重也

維柞之枝

柞音鑿。曰柞櫟也。卽唐鵠羽所謂榘也。解見鵠羽。曹氏曰柞堅忍之木其新葉將生

故葉乃落蓋附著之甚固也

其葉蓬蓬

傳曰蓬蓬盛貌

樂只君子殿天子之

邦

殿顛之去聲傳曰殿鎮也

樂只君子萬福攸同

解見

平平左右

平音

駢。傳曰平平辯治也。○疏曰堯典平章百姓書傳作辯章則平辯義通。○朱氏曰左右諸侯之臣也 亦

是率從

興也柞有枝枝有葉蓬蓬然盛葉以芘枝枝以衛榦
枝葉相承而根本堅固喻諸侯及其臣上下相承以
衛天子而國家又安也故曰樂哉此諸侯能鎮天子
之邦也樂哉此諸侯均受其福其左右之臣亦皆平
平辯治相率以從王命也長樂劉氏曰氣脉者朝廷之寵命也葉之蓬蓬者根
本氣脉之所及然葉之蓬蓬反以衛其根株而為之堅固猶天子寵錫諸侯俾之茂盛反能殿天子之邦

而益朝廷之固也

汎汎楊舟，紼纚維之。

紼，纚音弗，離。傳曰：紼，紼也；纚，紼也。紼，音律。疏曰：孫炎云：紼，大索也。

也。李巡云：紼，竹為索，所以維持舟者。紼亦作緯。郭璞曰：紼，繫也。

樂只君子，天子葵之。

葵，音達。傳曰：葵，揆也。疏曰：天子之於諸侯，命賜有少，或以恩，或以功，當須揆度多少而與之。樂只

君子，福祿膍之。

膍，音毗。傳曰：膍，厚也。

優哉游哉，亦是戾矣。

傳曰：戾，至也。

興也。楊舟，浮於水上。汎汎，然無所定。舟人以紼而纚

維之，喻諸侯離合不常。天子以恩禮維持之也。樂哉

此諸侯天子能揆度其親疎隆殺之宜而錫予之序
所謂錫命以禮也又厚之以福祿宜其優游自得而
戾止於天子之庭矣何幽王之不然也。左傳云王
命諸侯名位不同禮亦異數如虢公晉侯朝王皆賜
玉五穀音角馬三疋君子以為非禮又以輶鑑賜鄭遂
失鄭伯之心皆是不能揆度其宜也事見莊十八年

采菽五章章八句

角弓父兄刺幽王也不親九族

解見王葛藟

而好讒佞

好去聲

骨肉相怨

疏曰骨肉謂族親也以其父祖上世同稟血氣而生如骨肉之相附。今曰西漢燕刺王

旦傳云今王骨肉至親敵吾一體刺音辣

故作是詩也

詩記曰前漢書杜鄴云人情恩深者其養

謹愛至者其求詳夫戚而不見殊孰能無怨此棠棣角弓之詩所為作也

此詩皆言王無恩於骨肉骨肉怨之欲王厚親親之

恩以消平之也

駢駢角弓

駢息營反韻作解。傳曰駢駢調和也。

翩其反矣

翩音篇。朱氏曰翩反貌

兄弟昏姻無胥遠矣

箋曰胥相也

興也駢駢然調和之角弓其體往來張之則內嚮而

來弛之則外反而去喻親族親之則附疎之則離今
王疎遠親族親族之心皆離猶弓之弛翩然而反矣
王於兄弟同姓之親昏姻異姓之親不宜相疎遠如
是也

爾之遠矣民胥然矣

今曰民猶人也指族人也詩書稱先民皆訓人。箋曰胥皆也

爾

之教矣民胥倣矣

爾幽王疎遠親族之人不以骨肉為念則親族之人
亦皆自相疎遠矣由此爾實教之以偷薄故人皆視

傲之也

此令兄弟

令去聲。箋曰令善也。

綽綽有裕

綽處若反裕音諭。傳曰綽綽寬也裕饒

也

不令兄弟交相為瘡

音愈。傳曰瘡病也。

王無恩於親族親族之中有令善者固綽綽然寬裕

不以介意其不善者則相與怨讟而為患矣

民之無良

箋曰良善也。

相怨一方

朱氏曰彼一方也。氏曰一方猶一隅也。

錢受

爵不讓

錢氏曰酒爵也。

至于已斯亡

今日失意杯酒之間以亡其身如漢田蚡灌夫是也。

坊記云觴酒豆肉讓而受惡民猶犯齒

兄弟有因杯酒得罪而怨者此為持平之論以解之言凡人之不善者其相怨各執一偏不能參彼己之曲直故但知怨其上而不思己過然其端甚微或止因受爵失辭遜之節而或至於亡其身亦可念矣欲王濶畧兄弟之小過也相怨一方即序所謂骨肉相怨也

老馬反為駒

解見漢廣

不顧其後如食宜餽

食音嗣餽於之去。傳曰餽飽

也如酌孔取

兄弟小過讒人乘間而入遂指老馬為駒顛倒是非
不顧忌其後矣讒言無實久則自敗而小人不恤也
小人肆為讒間如食者但欲飽飫酌者但知多取豈
復更有斟酌言不顧親疎輕重之義也

母教猱升木

母音無猱奴刀反。箋曰母禁辭。陸璣曰猱獼猴也楚人謂之沐猴老者為猱長

臂者為猱猱厥縛反音攬今曰柳子厚憎王孫文云援之德靜以常王孫之德躁以囂猱即王孫也杜詩覓胡

孫是也

如塗塗附

傳曰塗泥也附着也

君子有徽猷

傳曰徽美也。箋曰猷道也。

小人與屬

音屬。箋曰連屬也

讒人為惡如獼猴升木本自能之無所事教王今又信任之是教獼猴升木也骨肉以小嫌得罪而又使讒人交鬪之如塗泥又以塗泥附着之則相與為一牢不可破矣君子如用美道則小人皆連屬而相親况骨肉乎

雨雪濇濇

雨音諭濇音標從韻疏曰濇濇雪盛貌

見覲曰消

覲年之去傳曰覲日氣

也莫肯下遺

箋曰遺讀曰隨

式居婁驕

婁音屢。今曰居如居之不疑之居解見下篇

居以凶矜。詩記曰屢驕猶所謂屢空言其驕之非一也

王旣信讒則兄弟之間遂成疑怨如雨雪瀟瀟而盛陰
氣凝積也雪雖盛纔見日氣則消融非難去也喻兄
弟一見王有恩意則疑怨皆釋然矣奈王莫肯以恩
下及骨肉數數驕慢之居之不疑言無遷改也

雨雪浮浮

王氏曰積之高則浮浮

見暉曰流

傳曰流而去也

如蠻如髦

舊音

毛當音謀。傳曰蠻南蠻也。疏曰髦西夷之別名。牧誓云及庸蜀羌髳微盧彭濮人彼髳此髦音義同。

是用憂

王親骨肉如夷狄然是無可回之意我是用憂之也

角弓八章章四句

菀柳

菀音鬱

刺幽王也暴虐無親而刑罰不中去聲諸侯皆

不欲朝

音潮下同

言王者之不可朝事也

有菀者柳

傳曰菀茂本也

不尚息焉

箋曰尚庶幾也

上帝甚蹈

音悼。疏曰王

肅孫毓皆以上帝為斥王傳曰蹈動也。曹氏曰躁動之貌

無自暱焉

傳曰暱近也

俾予

靖之

歐陽氏曰靖安也

後予極焉

傳曰極至也

興也諸侯之欲朝者言有同儕告之曰有菀然茂盛

之柳行道之人豈不庶幾就之而止息乎猶王者有

芘下之德諸侯豈不欲依歸之以求芘乎今王方肆
暴虐甚躁動而不常無往瞻近之以自取禍遂使我
且安靖以待其改然後至周以朝蓋教以避禍之計
也上帝斥王也諸侯之欲朝者聞人言而遂止則皆
不朝矣

有苑者柳不尚愒焉

愒音棄韻亦作憇
傳曰愒息也

上帝甚蹈無自

瘵焉

瘵音再鄭音際
傳曰瘵病也

俾予靖之後予邁焉

李氏曰
邁往也

有鳥高飛亦傳于天

傳音附。鄭氏曰傳至也

彼人之心

補傳曰彼人乃諸侯

自指其同列也

于何其臻

箋曰臻至也

曷予靖之居以凶矜

此諸侯見同儕教以避禍遂言鳥則能高飛至天不

在人間彼亦人耳而教我不朝其心欲何所至乎歎

人心無所繫屬其咎有在矣故又歎言爾何為使我

靖以待之乎王方自居以凶暴驕矜不肯遷改也

詩記

曰於是乎絕意於王室矣居以凶矜即角弓所謂式居妻驕也傳說告高宗云惟厥攸居政事惟醇自古

聖賢之論治亂

每言夫居也

菀柳三章章六句

都人士周人刺衣服無常也古者長民衣服不貳

長音掌

從容有常

從七容反

以齊其民則民德歸壹傷今不復見古

人也

復扶又反

彼都人士

朱氏曰王都也。今日士對女而言之謂男子也

狐裘黃黃

疏曰禮記緇衣

引此詩註云黃衣則狐裘大蜡之服也息民之祭服此狐裘則是尊貴之服矣。詩記曰玉藻云君子狐青裘豹褰玄綃衣以裼之狐裘黃衣以裼之註云君子士大夫也黃衣大蜡時臘先祖之服也褰亦作袖綃音消

其容不改出言有章

朱氏曰文章也

行歸于周

行去聲

萬民所

望

亡音

一章述古之長民者序所謂衣服不貳從容有常以
齊其民也彼指古人稱彼以形此也京師首善之地
四方所視倣此詩又周人所作故述王都之俗士謂
男子也言古者都人之男子其貴者冬則衣狐裘黃
黃然其容貌既有常言語又有法度文章其德行歸
于忠信表裏如一故為下民所仰望而取法也。士
若專以為民則萬民所望非庶民之事若專以為士
大夫則下章臺笠非士大夫之服故士者通貴賤之

稱凡詩中以士對女者皆謂男子耳女也不爽士貳其行有依其士思媚其婦維士與女以穀我士女皆是也此都人士對君子女言之亦指男子

彼都人士臺笠緇撮

緇音資撮七活反。曰臺莎草也解見南山有臺。傳曰緇撮緇布

冠也。箋曰緇布冠儉且節也。疏曰撮是小持其髻而已。玉藻云始冠緇布冠自諸侯以下連冠而敝之可也。則此應始冠而敝之。今都人以為常服者士以上冠而敝之。庶人則雖得服委貌因而冠之。而儉者服緇布故詩人舉彼君子女疏曰都人有君子綢直如髮綢音而美焉之德者其家之女綢直如髮綢直如髮綢音

釋文曰綢密也。錢氏曰言其髮美。解頤新語曰其首飾綢直一如髮之本然謂不用髮髻為高髻之類

我不見兮我心不說

音悅

二章述王都之民俗序所謂民德歸壹也言古者都人之男子其賤者以臺草為笠以緇布為冠撮持其髮謂之緇撮見儉素也彼君子家之女其為髻密而直如其本髮亦儉素也密是其髮生之密直亦髮之本性緊梳則順其髮性之直故曰密直如髮疾時奢淫故我不見如此之風俗我心思之而憂也

解頤新語曰說

者以綢直如髮為女子情性密緻操行正直如髮之本末無隆殺頗為穿鑿且女子情性操行豈外人所

能知下章卷髮如蔓髮則有旗則不能為說
安有一詩三言髮而以一為比二為賦可乎

彼都人士充耳琇實

琇音秀。見衛淇與解。

彼君子女謂之尹吉

音鄭

姑毛如字。箋曰尹氏姑氏周室昏姻之舊姓也。疏
曰節南山云尹氏太師常武云王謂尹氏昭二十三年
尹氏立王子朝是其世為公卿明與周室為昏姻也又
宣三年左傳鄭石癸云吾聞姬姑耦其子孫必蕃姑吉
人也后稷之元妃也言姬姑耦明為舊姓以此知尹亦
有昏姻矣既世貴舊姓昏連於王室家風不替是有禮
法矣朝如字。李氏曰周之所謂王謝也。我不見兮我心
苑結音苑
允徐音鬱。箋曰苑猶屈也積也。

瑱以琇為之塞實其耳此及下章皆指男子之貴者

尹氏姑氏有禮法之家也人見此都人之女皆謂之尹姑氏之女也

彼都人士垂帶而厲

傳曰厲帶之垂者疏曰垂帶之貌

彼君子女卷髮

如蠶

卷音權蠶敕邁反。釋文曰通俗文云長尾為蠶短尾為蝎。箋曰蠶蟄蟲也尾末捷然似婦人髮

末曲上卷然螫音釋捷音牽舉也。疏曰禮歛髮無髻而有曲者以長者盡皆歛之不使有餘而短者若鬢傍不可歛則因曲以

我不見兮言從之邁

箋曰邁行也

為飾故不同也

男子之帶垂而為厲女之髮末卷曲如蠶之尾是不

可得見也得見則我從之行邁也

匪伊垂之

箋曰伊辭也

帶則有餘匪伊卷之髮則有旗

音餘傳

曰旗揚也

我不見兮云何盱矣

箋曰盱病也

士非故欲垂此帶帶自有餘而垂也女非故欲卷曲此髮髮自旗揚也言古之為容者亦從其自然而非強之也我不見此人云何乎今已病矣

都人士五章章六句

采綠刺怨曠也幽王之時多怨曠者也

李氏曰序云幽王之時多怨曠

者也則是刺幽王也非是刺怨曠者也時多征役久勞于外其所以怨曠也

終朝采綠

傳曰自旦及食時為終朝。曰綠木賊也。釋草曰菜王芻。箋曰易得之菜也。郭璞

曰蓐也。蓐音辱。陸璣曰草也。其莖葉似竹青綠色高

數尺。今淇澳傍生此草。其草澀礪。可以洗攪笏及盤枕

利於刀錯。俗呼為木不盈一掬。

音菊。傳曰。予髮曲局。

賊彼土人謂為綠竹。

傳曰局。薄言歸沐。李氏曰。

卷也。薄辭也。

興也。綠易得之草。終朝采之而不滿兩手之掬。怨曠

而心不在焉。故也。婦人夫不在家。不為容飾。髮久不

櫛。則曲局而不舒展。庶幾其夫之歸而沐之望之之

辭也。

終朝采藍

盧諤反。箋曰藍染草也。疏曰藍可以染青月令仲夏無刈藍以染

不盈一

檐

尺檐反。傳曰檐衣蔽前也

五日為期六日不詹

音瞻。朱氏曰詹與瞻同

去時約以五日而歸今六日而不見時未久而怨何

也古者新昏三月不從政此新昏者之怨辭也

之子于狩

箋曰之子謂其君子也于往也

言韋其弓

韋音暢。小戎傳曰韋弓室也。疏

曰謂射訖弛弓納于韋中也

之子于釣言綸之繩

疏曰綸謂與之作繩也繩以生絲為

之

言其夫在家之時往獵射訖我則為之納弓于韋中

往釣我則為之綸作其繩今遠行從役久而不歸思其如此而不可得也

其釣維何

疏曰承上章釣文在下接而申之

維魴及鰕

魴音防鰕音叙魴解見陳衡門

鰕解見

維魴及鰕薄言觀者

觀今如字舊音貫。程子曰薄言發語辭

言其君子在家之時釣得魴鰕之魚傍有觀看者以人觀其夫善釣為榮也今久不歸故思而述之

采芣四章章四句

采芣刺幽王也不能膏潤天下

膏音詰

卿士不能行召伯

之職焉

召音邵。疏曰召伯召穆公也

芄芄黍苗

芄音蓬。芄芄從補傳棧樸解

陰雨膏之悠悠南行

朱氏曰悠悠遠

行之

召伯勞之

勞去聲

首章總言營謝平淮二役蓋營謝平淮二役皆南行

之事也興也南方去周最遠故周人以南方之役為

勞四月之刺是也宣王之時召穆公既營謝邑又平

淮夷頻有事于南戍役勞矣而穆公能推宣王德意

以慰藉撫存之故荐遠役而民不怨幽王君臣不恤

其民此詩思古言芄芃然短小而盛之黍苗有陰雨
以膏潤之悠悠然南行之人有召穆公以勞慰之刺
今不然也

我任我輦

任音壬輦音連。箋曰有負任者有輓輦者。疏曰任謂器物人所負持輦車人輓以行。

我車我牛

箋曰有將車者有牽傍牛者傍去聲。疏曰此轉運載任則是大車以駕牛者也在前曰

牽在傍曰傍上文將車謂車中有牛而將之此牛不在轅中故別牽傍之

我行旣集

箋曰集猶成也

蓋云歸哉

丘氏曰蓋不定辭也

二章言營謝之役蓋任輦車牛是工役之事也召穆

公之營謝也知役夫之勞故皆呼而諭之曰我負任者我輓輦者我將車者我牽傍牛者俟我南行營謝之功已成蓋云歸哉示以歸期安其心也

我徒我御

箋曰士卒有步行者有御兵車者

我師我旅

箋曰五百人為旅五旅為師春

秋傳云諸侯之制君行師從卿行旅從

我行既集蓋云歸處

三章言平淮之役蓋徒御師旅是兵行之事也

肅肅謝功

箋曰肅肅嚴正之貌。朱氏曰謝功謝邑之事也。謝解見崧高

召伯營之

箋曰營治也

烈烈征師

箋曰烈烈威武貌

召伯成之

四章以下又總言營謝平淮二役肅肅然嚴整者謝
邑之功實穆公營治之言營謝也烈烈然威武者征
行之師實穆公成之言平淮也

原隰旣平

傳曰土
治曰平

泉流旣清

傳曰水
治曰清

召伯有成王心則

寧

營謝有徹田土之事平淮有徹疆土之事皆相其原
隰之宜通其水泉之利此功旣成宣王之心則安寧
矣

黍苗五章章四句

隰桑刺幽王也小人在位君子在野思見君子盡心以事之

隰桑有阿

疏曰下濕曰隰桑宜在濕潤之所隰之近畔宜桑以今驗之實然也。曹氏曰桑有衣被

人之德。傳曰阿然美貌

其葉有難

音儺。傳曰難然盛貌

既見君子其樂如

何

樂音洛

興也桑嘉木也可以為衣故南山有桑以喻賢者今桑之在隰枝條阿阿然而美其葉又難然而盛喻君

子在野雖處窮約而英華發外也我若見此君子其樂如何哉樂君子如此見其惡小人深矣

隰桑有阿其葉有沃

長樂劉氏曰謂長茂光潤如膏之沃也

旣見君子云

何不樂

隰桑有阿其葉有幽

如字。傳曰幽黑色也。疏曰言桑葉茂盛而柔輒則其色純黑

旣見君子德音孔膠

傳曰膠固也。王氏曰其德音之所及人附離之甚膠固也

心乎愛矣遐不謂矣

箋曰遐遠也。今曰謂相與語也

中心藏之何日

忘之

心乎言由中也詩人言我出於中心愛此君子以君子遠在郊野不得相與語也凡懷人者滿懷欲言思得一見而傾寫之也我藏之於心何日而忘之乎謂思慕君子常在念也。舊說謂為思竭忠愛以裨補之賢者相與固有切磋忠告之益但此詩方思賢者以鄙在位之小人未暇言忠告之意

隰桑四章章四句

白華

音花

周人刺幽后也

箋曰幽后褒姒也

幽王取申女以為后

取如字。箋曰：申姜姓之國也。

又得褒姒而黜申后

褒姒解見正月

故下國化

之以妾為妻以孽代宗

孽魚列反。箋曰：孽支庶也。宗適子也。

疏曰：樹木斬而復生。

謂之孽以適子比。

而王弗能治周人為之作是詩也

去為

根餘庶子比枝孽。

聲。箋曰：王不能治己不正故也。曹氏曰：孽妾子。

謂伯服也。褒姒所生。宗適子謂宜臼也。申后所生。

白華菅兮

菅音姦。傳曰：白華野菅也。已漚為菅。郭璞曰：菅茅屬。陸璣曰：似茅而滑澤無毛根。

下五寸中有白粉者柔韌宜為索。韌音夕與朋同。疏曰：野菅漚之謂之菅。因謂在野未漚者為野菅。

白

茅束兮之子之遠

去聲。箋曰：之子斥幽王也。

俾我獨兮

陳氏曰：我申后也。下

同

興也白華柔韌宜為索則刈取之漚以為菅白茅不可用則以纏束白華而已菅喻后茅喻妾以賤承貴宜也今幽王亂貴賤之序而遠我使我窮獨失所也周人代申后言之

英英白雲

傳曰英英雲貌露亦有雲。疏曰以今觀之有雲則無露無雲乃有露露亦有雲者露雲

氣微不映日月不得如雨之雲耳非無雲也若露濃霧合則清旦為昏亦是露之雲也

露彼菅茅

天步艱難

程子曰天步時運也

之子不猶

程子曰猶如也

首章既以菅茅喻后妾次章言王之恩澤當均及之

如白雲之覆露菅茅皆蒙潤澤也今天運艱難而幽王不如是也幽王不道而歸之天運謂已所遭之不幸耳

漉池北流

漉符彪皮流二反。傳曰漉流貌。箋曰豐鎬之間水北流。疏曰言其北流是目所覩

豐在豐水西鎬在豐水東豐鎬之間唯豐水也。今日此止言池非指豐水也

浸彼稻田嘯歌

傷懷念彼碩人

丘氏曰碩人謂幽王也

池水漉然北流則止能浸彼在北之稻田耳喻幽王之澤有所偏也申后旣黜嘯歌而至於傷懷以念王

也。鄭氏以碩人為褒，似詩記從丘氏以為幽王此詩皆代申后之言，則嘯歌傷懷，當為申后念王也。下文言念子懔懔，視我邁邁，亦夫婦之辭也。念與此念字同。

樵彼桑薪

錢氏曰：取薪曰樵。

邛烘于煇

邛音昂，烘火東反，煇音。傳曰：邛我也，烘燎。

也。煇，炷竈也。炷音恚。郭璞曰：今之三隅竈也。疏曰：炷者，無釜之竈，其上燃火，謂之烘。本為此竈止以燃火，照物若今之火爐也。

維彼碩人，實勞我心。

桑者人之所賴，以衣不宜以為薪。今樵取之，以為薪。

又不以供爨而乃烘燎于炷竈止以照物猶棄妻之失職故申后念王而心勞也

鼓鐘于宮

疏曰鼓擊也

聲聞于外

聞音問

念子懔懔

音慘勝之上說文七

倒反○釋文曰懔懔愁不申也

視我邁邁

王氏曰邁邁然遠我而不顧也

擊鐘于宮其聲則聞于外喻宮庭之事不可掩也我

念王則懔懔而愁不申王視我則邁邁而不顧

曹氏曰鼓

鐘于宮雖人之所不見而聲聞于外不可掩也幽王之廢申后必加以難明之罪人之所不見者而其心本主欲立褒姒則外之所明聞也豈可掩哉

有鷺在梁

鷺音秋。傳曰鷺禿鷺也。山陰陸氏曰性貪慾狀如鶴而大長頸赤目其毛辟水毒頭

高八尺善與人鬪好啗蛇劉楨魯都賦云綠鷗葱鷺鷺色蓋青也。疏曰梁魚梁也

有鶴在林維

彼碩人實勞我心

鷺似鶴而貪濁非鶴比也今鷺據魚梁而飽鶴遠引
在林而饑喻褒似進而申后黜王清濁無別矣我申
后念王而心勞矣

鴛鴦在梁戢其左翼

解見鴛鴦

之子無良二三其德

鴛鴦在魚梁之上以右翼掩其左翼舉其雄者言之

鴛鴦能好其匹之子無良不一其德鴛鴦之不如也

有扁斯石

扁音褊。傳曰扁乘石貌。王乘車履石。蘇氏曰扁卑貌。疏曰隸僕云王行則洗乘石

鄭司農云乘石所登上車之石也

履之卑兮之子之遠俾我底兮

底音抵○

傳曰底病也

有扁然而卑之乘石王履之以升車為用甚卑下喻

妾之賤也顧欲貴之於人上可乎今之子遠我而進

彼使我病也

曹氏曰漢成帝欲用趙飛燕為后劉輔諫曰腐木不可以為柱卑人不可以為

主

白華八章章四句

縣蠻微臣刺亂也

箋曰微臣謂士也古者卿大夫出行士為末介

大臣不用仁

心遺忘微賤不肯飲食教載之

飲食音蔭嗣

故作是詩也

縣蠻黃鳥

傳曰縣蠻小鳥貌黃鳥解見葛覃

止于丘阿

傳曰丘阿曲阿也。疏曰丘之

曲道之云遠我勞如何飲之食之教之誨之命彼後車

朱氏曰後車副車也

謂之載之

興也古者大臣出使于外士之微賤者為介紹此詩言縣蠻然小之黃鳥止於丘之曲而託息焉喻微臣

依託於卿大夫也我微臣跋涉遠道其勞如此將如
之何所望卿大夫能體恤飲食教誨車敗則命後車
以載之乃今不然也

繇蠻黃鳥止于丘隅

箋曰丘隅丘角也

豈敢憚行

箋曰憚難也去聲○今曰

憚辭難也

畏不能趨

王氏曰趨疾行也

飲之食之教之誨之命彼後

車謂之載之

繇蠻黃鳥止于丘側

箋曰側旁也

豈敢憚行畏不能極

箋曰極至

也飲之食之教之誨之命彼後車謂之載之

縣蠻三章章八句

瓠葉

瓠音互

大夫刺幽王也上棄禮而不能行雖有牲牢

饗餼

饗音邕字亦作饗餼音戲。箋曰牛羊豕為牲繫養者曰牢熟曰饗腥曰餼生曰牽。疏曰牲可牽

行餼是已殺

不肯用也故思古之人不以微薄廢禮焉

觀賓之初筵知幽王君臣沈湎淫液過於燕飲故此
詩極言簡儉之意以刺之若曰誠苟在焉亨瓠燔兔
可以為禮何必酒池肉林長夜之飲乎蓋欲收飲之
非欲開廣之也後序謂幽王有牲牢饗餼而不肯用

失之矣

幡幡瓠葉

幡音翻。傳曰幡幡瓠葉貌。

采之亨之

亨音烹。箋曰亨熟也。

君子

有酒酌言嘗之

瓠葉新生幡幡然可采取之亨熟之君子有酒以此為蒞與賓客酌而嘗之亦足以行禮何必縱情過度乎行禮不止於瓠兔極言簡儉之意耳

有兔斯首

蘇氏曰有兔斯首言一兔也。李氏曰兔以首言猶魚以尾言也。

炮之燔之

炮音庖。燔音煩。傳曰毛曰炮。疏曰地官封人云毛炮之豚注云燭去其毛而炮之傳直言炮當是合毛而

炮之燭似鹽反。曹氏曰新殺則合毛而炮之。錢氏曰凡肉置火中曰炮藝之曰燔近火曰炙。炮燔解見楚
君子有酒酌言獻之

蘇氏曰獻主人酌賓也

有此一鬼雖非盛饌然或置火中而炮之或加置火上而燔之君子有酒以此為殽酌以獻賓亦足以行

禮

有鬼斯首燔之炙之

炙音隻。炙解見楚茨

君子有酒酌言酢之

傳曰酢報也。箋曰酢者賓既卒爵洗而酌主人也

有鬼斯首燔之炮之君子有酒酌言醕之

醕音雛。傳曰醕道飲也

○疏曰醕者欲以醕賓而先自飲以道之此舉醕之初其實飲訖進酒於賓乃謂之醕也

瓠葉四章章四句

漸漸之石

漸音讒

下國刺幽王也戎狄叛之荆舒不至

箋曰

荆謂楚也舒舒鳩舒鄆舒庸之屬鄆音了。疏曰殷武云維汝荆楚已并言之是楚之稱荆亦已久矣傳有舒鳩舒鄆舒庸又有乃命將率東征率衰役久病於外故舒龍謂之羣舒

作是詩也

漸漸之石

傳曰漸漸山石高峻

維其高矣山川悠遠維其勞矣武

人東征

箋曰武人謂將帥也

不皇朝矣

朝音潮

言過漸漸然險峻之山石維其高大矣又歷山川之
悠遠維其勞苦矣我武人東征久處于外不得朝見
天子雖在勞苦之地不忘君也

漸漸之石維其卒矣

卒鄭音卒在律反毛子恤反。箋曰卒崔嵬也。解見十月之交彼

卒作

山川悠遠曷其沒矣

傳曰沒盡也

武人東征不皇出矣

言所登歷何時可盡徧也深入險阻之地恐不得復
出也

有豕白蹢

音的。傳曰豕豬也蹢蹄也。釋獸曰四蹢皆白。孩孩音孩胡來反。疏曰孩者躁疾之

言白蹠名之為蹠是蹠疾

烝涉波矣

箋曰烝衆也。錢氏曰烝涉波見道

於餘豕駭與蹠字異義同

路之間多月離于畢

疏曰離歷也

俾滂沱矣武人東征不皇

有停潦

它矣

它音他

豕性負塗常時雖白蹠者亦污於塗不見其白今武人行役見豕白蹠而羣然涉水是久雨而停潦多故豕蹠濯其塗而見白也停潦尚多雨歇未久而月離于畢則又將雨矣厭苦多雨之辭也征役者以雨為苦言不皇它及惟雨是憂耳

漸漸之石三章章六句

苕之華

苕音條
華音花

大夫閔時也幽王之時西戎東夷交侵

中國師旅並起因之以饑饉君子閔周室之將亡傷已

逢之故作是詩也

陳氏曰此詩其辭簡其情哀周室將亡不可救矣詩人傷之而已

苕之華

曰此苕陵苕也非陳防有鵲巢所謂苕也。釋草曰苕陵苕黃華蘂白華芡蘂音標芡蒲末

反。舍人曰黃葉名蘂白華名芡。陸璣曰一名鼠尾生下濕水中七八月中葉紫似今紫草葉可染皂煮以沐髮卽黑。疏曰如釋草之文則苕華本自有黃有白而賤云陵苕之華紫赤而繁蓋就紫色之中有黃紫白紫耳及其將落則全變而黃

芸其黃矣

芸音云。傳曰苕將落則黃

心之憂矣維

其傷矣

興也陵苕之華將落則芸然其黃言如周室之將亡
黯然而悴也我心所憂者傷周室之將亡也

苕之華其葉青青

音菁

知我如此不如無生

華已盡落唯葉青青然知我所遇之世如此不如不
生之愈也

牂羊墳首

牂音莊墳音汾。傳曰牂牁羊也墳大也

三星在罍

音柳。箋曰三星心星也

罍解見魚麗

人可以食鮮可以飽

鮮上聲

言物產蕃息者多舉牝言之凡牝獸胎孕則腹大胃
見而首小今牝羊大首則是其身瘠而不孕也筭中
有魚則水動而不見星今心之三星見於魚筭之中
是設筭而不得魚也亂亡之代地愛其寶物產凋耗
氣象蕭條故人僅可以食而少有得飽者召南小星
三五在東傳以三為心唐綢繆三星在天傳以為參
此詩三星無傳綢繆言昏姻之候故毛取十月參見
東方三星之大而易見者莫如心此當為心也

召之華三章章四句

何草不黃下國刺幽王也四夷交侵中國背叛

背音佩

用

兵不息視民如禽獸君子憂之故作是詩也

何草不黃

箋曰自歲始草生而出至歲晚矣

何日不行何人不將

鵲巢傳曰

將送也經營四方

自初春草青行役至秋無草不黃宜可休息矣今乃無一日不行役無一人不將送於道路以經營四方勞苦之甚無人不將指行役之衆也

何草不玄

長樂劉氏曰草之黃者又黑腐

何人不矜

音關。箋曰無妻曰矜

哀我

征夫獨為匪民

至冬則草之黃者又變而黑腐矣從役者久不得歸

故謂之矜哀我征夫豈非民乎若以民視之則不虐

之如禽獸矣

匪兕匪虎

兕詞之上濁解見卷耳

率彼曠野

疏曰率循也。傳曰曠空也

哀我

征夫朝夕不暇

承上章匪民言征夫非兕非虎何以使循曠野而朝

夕不得閒暇也

有芄者狐

芄音蓬。丘氏曰毛尾長貌。

率彼幽草有棧之車

棧殘之上濁。

今日春官巾車云士乘棧車庶人乘役車注棧車不革輓而漆之役車方箱可載任器以共役傳以為此有棧之車役車也疏曰毛義以為此棧是車狀其說不分曉不若徑以為士之棧車也

行彼周道

狐則芄然毛尾長循彼幽草之中人非禽獸今士乘棧車行於周之道路與禽獸同非特民也

何草不黃四章章四句

詩緝卷二十四

謹案卷二十三第一頁後六行髦俊也刊本脫俊
字據毛詩傳增

第八頁前二行釋文曰刊本釋訛說據經典釋文
改

第八頁後八行說文作節刊本節訛節據說文及
經典釋文改

第十三頁前一行大夫鐐琫而鏐琕刊本鏐訛琕
據詩毛傳改

第十七頁前七行美酒人所甘刊本甘訛在今改
第十八頁前六行孔氏謂舉一物以興其餘刊本
一訛其據毛詩疏改

第十八頁後八行摧今莖字刊本摧訛挫據毛詩
箋改


第十九頁後一行摧芻也刊本摧上行莖字據經
典釋文刪

卷二十四第七頁前八行駢駢然調和之角弓刊

本和訛利據詩毛傳改

第九頁後七行遺讀曰隨刊本訛作遺予也據毛詩箋改

第二十一頁前五行六行露雲氣微刊本脫雲字微下衍言字據毛詩疏改



總校官庶吉士臣侍朝

校對官中書臣潘奕雋

謄錄舉人臣汪元亮